

СҮХБААТАР АЙМГИЙН НИЙТИЙН НОМЫН САНГИЙН 2024 ОНЫ 04 ДҮГЭЭР УЛИРЛЫН ҮЙЛ АЖИЛЛАГААНЫ ТАЙЛАН

ЗАХИРГАА УДИРДЛАГЫН АЖИЛ:

Байгууллагын үйл ажиллагааг хангах, хөтөлбөр, арга хэмжээг хэвийн явуулах, уншигч ирэгсдийн ая тухтай орчинг бүрдүүлэх зорилгоор ажилтан, албан хаагчдаас хэрэгцээт шаардлагатай техник хэрэгсэл, тоног төхөөрөмжийн судалгааг авч, хамт олны хурлаар хэлэлцэн шийдвэрлэж, үр дүнд суурилсан санхүүжилтаас 7.082.700 төгрөгний эд хогшил, техник хэрэгсэл худалдан авсан.

Байгууллагын захирал өөрийн мэдлэг боловсролоо дээшлүүлэн “Шихихутаг” их сургуульд эрх зүйч мэргэжлээр суралцаж байна.

Мягмар гараг бүрийн 09:00 цагаас Монгол бичгийн уншлагын цагийг тогтмолжуулан монгол бичгийн хичээл орж хэвшсэн.



НОМЫН САНГИЙН САН ХӨМРӨГИЙН БҮРДҮҮЛЭЛТ, ЗОХИОН БАЙГУУЛАЛТ, ХАДГАЛАЛТ, ХАМГААЛАЛТ

Номын сангийн сан хөмрөгийн бүрдүүлэлт, бүтэц зохион байгуулалт, боловсруулалт, байрлуулалт, эргэлтийн байдал:

Төсвөөр: 187700 төгрөгний 58 ш ном, хандиваар 1596000 төгрөгний 173 ш нийт 231 ш 3473000 төгрөгний ном авч, данс бүртгэлд бүртгэн, техник ажиллагаа хийж, электрон каталогит оруулан баркоджуулж, танхимдуудад хүлээлгэн өгсөн.



Номын сангийн сан хөмрөгт үнэлэлт, дүгнэлт хийж судалгаа хийсэн эсэх

Уншлага үйлчилгээг “Үүлэн технологи”-д суурилсан шинэлэг үйлчилгээгээр 2019 оноос нэвтрүүлэн ажиллаж, аймгийн нийтийн номын сан цахим каталогт 18869 нэр төрлийн 44610 ном, 12 сумдын соёлын төвийн номын сангууд 29086 ном нийт 27555 нэр төрлийн 73696 ном мэдээллийн баазад байршсан.

Номын сангийн тооллого, хадгалалт хамгаалалтын талаар хийж хэрэгжүүлсэн ажлын талаар:

Урагдаж гэмтсэн ном-ыг тухай бүр нь үдэж, нааж, засаж, сэлбэн, хуучин сонинг үдэж янзлах, бор хавтасжуулан архивлаж, танхимын өдөр тутмын үйлчилгээнд гарсан 2000 гаруй номыг ариутгасан.



НОМЫН САНГИЙН УНШЛАГА ҮЙЛЧИЛГЭЭНИЙ ЗОХИОН БАЙГУУЛАЛТ

Уншигчдад номын сангаас үзүүлж буй үйлчилгээ болон номын сангийн үйлчилгээний инноваци, нэн шаардлагатай үйлчилгээ:

Номын сангийн үйлчилгээг өргөжүүлэх, номын сангийн танхимаар үйлчлүүлэх уншигч, иргэд, ном олголтыг нэмэгдүүлэх, үйл ажиллагааг сайжруулах зорилгоор ЕБС-иуд, албан байгууллагууд, иргэдийн дунд “Оюунлаг” иргэн, анги хамт олон, байгууллагыг шалгаруулах уралдааныг 03 дугаар сарын 11-ний өдрөөс 12 дугаар сарын 05 хүртэл зарласан.

Байнгын уншигч-2930/2863

Ирэгсэд-13000/11433

Ном олголт-19800/15809

Номын сангуудад шаардлагатай төсөл-хөтөлбөр

СҮХБААТАР АЙМГИЙН ОНЫ ШИЛДЭГ УНШИГЧ ШАЛГАРУУЛАХ

“СУДАР ЭГШИГЛЭН” ТӨСӨЛ

“Судар эгшиглэн-2024” төсөл 4 жилдээ хэрэгжиж, Улаанбаатар хот, Увс, Өвөрхангай, Хэнтий, Дорнод, Дорноговь, Сүхбаатар аймгаас давхардсан тоогоор 10000 гаруй уншигчийн 50000 номын тэмдэглэлийг цахим орчинд байршуулан сурталж, шилдэг уншигчдаа тодруулсан.





СОЁЛ ОЛОН НИЙТИЙН АЖИЛ :

Шинэ номын болон тэмдэглэлт өдрүүдэд зориулж сэдэвчилсэн номын үзэсгэлэнг:

- Хүүхдийн зохиолчдын бүтээл-29 ном
- Нутгийн зохиолчдын бүтээл-60 ном
- “Үлгэрийн ертөнцөөр аялцгаая” 150 ном
- Соёлын бүтээл сарын нээлт-Монгол бичгийн ном-80
- МЗЭ-ийн Сүхбаатар салбарын 70 жилийн ойд -160
- Аймгийн цагдаагийн газарт-30 номоор үзэсгэлэн гаргаж сурталчилсан.



СОЁЛЫН БҮТЭЭЛЧ САР:

Соёлын бүтээлч сарын хугацаанд Сүхбаатар аймаг номын сан нүүр хуудсаар байгууллагын үйл ажиллагаа хийгдсэн ажлуудыг брэндбүүк ашиглан тогтмол оруулан сурталчилсан. Мөн Ном уншиж сурах хялбар аргууд номзүйн зөвлөмжийг цувралаар оруулан уншигчиддаа хүргэлээ.

Сүхбаатар Аймгийн Утга зохиолын салбар үүсэн байгуулагдсаны 70 жилийн ойг угтаж "Дорнын хүлэг-2024" оны шилдэг шүлгийн уралдааныг Сүхбаатар аймгийн МЗЭ-ийн салбар зөвлөлөөс зохион байгуулж, 160 гаруй Сүхбаатар аймгийн нутгийн



зохиолчдын номоор сэдэвчилсэн үзэсгэлэнг гарган сурталчилж, зүүн гурван аймгийн яруу найрагч зохиолчид, төв хөдөөгийн яруу найрагчид, идэвхтэн бичигч нийтдээ 120 гаруй хүн давхардсан тоогоор үзэж сонирхсон.



Соёлын бүтээлч сарын хүрээнд Бичиг соёлын эртний дурсгал болох **“Чингисийн чулууны бичиг”, “Дуутын хар чулууны бичээс”**-ийг хүүхэд залуучуудад танин мэдүүлэх, сурталчлах, хэрэглээнд нэвтрүүлэх зорилгоор зохион байгуулсан уралдааныг насанд хүрэгсдийн болон ЕБС-ийн сурагчдын дунд зохион байгуулахад:

Насанд хүрэгсдийн ангилалд:

Тэргүүн байр: Х. Алтанчимэг / Онгон сумын МХБУЗ-ын багш/

Дэд байр: Б. Хасархүү Дорнод аймаг. Хэрлэн сум

ЕБС-ийн ангилалд:

Тэргүүн байр: Э. Сүндэрьяа /ЕБ-ын 2 сурууль. 9г анги

Дэд байр: М. Эрдэнэбаатар /ЕБ-ын 3 сурууль. 11г анги.

Гутгаар байр: Т. Баттуяа/ Баяндэлгэр сум. ЕБС. 10а анги/

Тусгай байр: Б. Ану/ ЕБ-ын 3 сурууль. 11г анги.

Тусгай байр: Мишээл /ЕБ-ын 3 сурууль. 11г анги тус тус шалгарсан.



"ХҮМҮҮН БИЧИГ-ХҮН БҮРИЙН БИЧИГ" Монгол улсын Монгол хэлний тухай хууль, Засгийн газрын 2020 оны 96-р тогтоолоор батлагдсан "Монгол бичгийн үндэсний хөтөлбөр III"-ийг хэрэгжүүлэх хүрээнд эх хэл бичиг, түүх, соёлын дурсгалаа судлах, хөгжүүлэх, төрийн албан хаагч болон иргэдийн үндэсний бичгийн хэрэглээний чадварыг сайжруулах зорилгоор Аймгийн ЗДТГ, БГ, НТСТ, ННС хамтран **"ХҮМҮҮН БИЧИГ-ХҮН БҮРИЙН БИЧИГ"** уралдааныг 7 дахь жилдээ амжилттай зохион байгуулж шилдгүүдээ тодрууллаа.

Тус тэмцээнд 6 багийн 30 оролцогч 5 төрлөөр ур чадвараа сорилоо.

🥇 1-р байр Нийгмийн даатгалын газрын "ТАТАЛБАР" баг

🥈 2-р байр Баруун-Урт сумын ерөнхий боловсролын 1 дүгээр сургуулийн **"ТЭНГЭРИЙН ЗУРЛАГА"** баг

🏆 3-р байр Баяндэлгэр сумын ерөнхий боловсролын сургуулийн "ТИТЭМ" багууд тус тус шалгарсан.



ТЭРГҮҮНИЙ УНШИГЧ Д. НАЦАГДОРЖ ТЭМДЭГТЭН

“Тэргүүний уншигч-Нацагдорж тэмдэгтэн” шалгаруулах сарын аян зарлаж, ЕБ-ын 2-р сургуулийн номын сантай хамтран Д. Нацагдоржийн намтар уран бүтээлийг сурталчилж, бүтээлийн үзэсгэлэн, шинэ болон шилдэг хүүхдэд зориулсан үлгэрийн номнуудаар “Үлгэрийн ертөнцөөр аялцгаая” номын үзэсгэлэн, болзолт тусгагдсан заавал унших номнууд болон “Монголын нууц товчоо” номын үзэсгэлэнг гаргасан.



“Тэргүүний уншигч-Нацагдорж тэмдэгтэнээр:
Ш. Төгсбилэг- ЕБ-ын 4-р сургууль. 5 в анги
Э. Энхмарал- ЕБ-ын 1-р сургууль. 5 б анги
О. Бүжинлхам- ЕБ-ын 4-р сургууль. 5 в анги
Ө. Тэмүүлэн - ЕБ-ын 4-р сургууль 5 в анги

Бат-Эрдэнэ - ЕБ-ын 4-р сургууль 6е анги нар тус тус шалгарсан.

Уулзалт, ярилцлага: МБС-ийн хүүхдүүдийн дунд БШУГ-ын дарга асан Л. Байгальмааг урьж оролцуулан уулзалт зохион байгуулахад 30 хүүхэд оролцсон бөгөөд тус сургуулийн номын санд яруу найрагч Ч. Эрдэнэбаатарын “Монгол ухааны эрхин хэлхээ” 2 ш ном, бичгийн хэрэгсэл хандивлаж, оролцогч хүүхдүүдийн дунд асуулт хариултын тэмцээн явуулж, гарын бэлэг гардуулав. Уг ярилцлагаар зочин подкаст бэлтгэн байгууллагын цахим хуудсаар сурталчлахад 856 хүн хандалт өгсөн байна.



“ХАЙЛААСТЫН АХМАДУУД” чуулга уулзалтыг багийн ажлын алба, ахмадын зөвлөлтэй хамтран зохион байгууллаа. Тус чуулганаар:

- Номын үзэсгэлэн, худалдаа
- “Агшин” хөгжөөнт тэмцээн
- Ном солилцох үйл ажиллагаа
- Асуулт, хариулт, санал хүсэлт гэсэн хөтөлбөрийн хүрээнд зохион байгуулагдаж багийн 86 ахмад оролцсон.



Хүүхдэд номын сангийн үйлчилгээ үзүүлсэн байдал:

Номын сангаас олгох боловсролын хөтөлбөрийн хүрээнд Хүүхдийн Уншлагын танхимын дэргэдэх **“Бяцхан Номын Санчид”** дугуйланг тогтмол ажиллуулан хүүхдүүд Орос ардын үлгэр “Манжин” үлгэрээр дүрийн тоглолт бэлтгэн 2,3,4,5,7,9,11-р цэцэрлэгийн 800 гаруй хүүхэд багачуудад тоглож үзүүллээ Мөн “Өнхрүүшхэн үлгэрээр хувцас хэрэглэлтэй дүрийн тоглолт бэлтгэл сургууль болон цэцэрлэгийн нийтдээ 1400 гаруй хүүхдэд хүргэн ажиллалаа.



“Соёлын бүтээлч сар” аяны хүрээнд 11 сард хамрагдсан хүүхдүүдэд номын хавчуурга хийх бүтээлч сэтгэлгээг хөгжүүлэх зорилгоор сургалт явуулахад 10 ангийн 121 хүүхэд хамрагдаж хүүхдүүдийн хийсэн бүтээлээрээ гацуур модоо чимэглэж танхимдаа байршуулсан.



Дэлхийн хүүхдийн өдрийг тохиолдуулан байгууллагын зүгээс өөрсдийн үр хүүхдэдээ чин сэтгэлийн бэлгээ илгээв.



ЛАВЛАГАА, НОМЗҮЙН ҮЙЛ АЖИЛЛАГАА

Номын сангийн үйл ажиллагаанд лавлагаа номзүйн үйлчилгээг боловсронгуй болгох, нэвтрүүлэхэд чиглэгдсэн ажлын талаар

Байгууллагын пэйж хуудас fb хаягаар цаг үеийн мэдээлэл, байгууллагын үйл ажиллагаа, найргийн цаг булангаар нутгийн найрагч, нутгийн найрагч бүсгүй, уншигчийн

сэтгэгдэл, номын тухай яриа, эерэг хандлага, шинэ номын булан, тэмдэглэлт өдрүүд гэх мэт төрөл бүрийн мэдээллээр лавлагаа мэдээлэл хүргэн ажиллаж, 8678 гаруй пост оруулж нийтдээ 14564 хүн хандалт өгчээ.

Монгол бичгийн албан хэрэглээг нэмэгдүүлэх ажлын хүрээнд байгууллагын нүүр хуудсаар тогтмол мэдээ мэдээлэл байгууллагын үйл ажиллагааны тухай мэдээллийг монгол бичгээр бичиж байршуулан ажиллаж байна.



Ганцаарчилсан хэрэглэгч болон үйлчлүүлэгч байгууллага, хамт олныг мэдээлэл-номзүйн үйлчилгээгээр хангасан байдал



"ЗАЛУУЧУУД БА МАНЛАЙЛАЛ" клубээс зохион байгуулсан **"Тархины сэргээш"** уншсан номын хэлэлцүүлэг зохион байгууллаа.

Баруун-Урт сумын 2-р сургуулийн 8а, 8б, 8в, 8г ангийн сурагчдын дунд “Хамтдаа номын тухай ярилцъя” хэлэлцүүлэг зохион байгуулж, нийт хүрэлцэн ирсэн 20 сурагчдад уншигчийн карт нээж, номоор үйлчилгээ үзүүллээ. Баруун-Урт сумын ерөнхий боловсролын 4-р сургуулийн Ө.Байгальсайхан багштай 8в ангийн сурагчид ангиараа ирж уншигчийн карт нээлгэж, номын сангийн үйл ажиллагаатай танилцлаа.



Цагдаагийн ажилтан, албан хаагчдын ном унших идэвхийг өрнүүлж, номтой нөхөрлүүлэх зорилгоор байгууллагаа сурталчилж мэдээлэл хийж, цагдаагийн албан хаагчдад уншигчийн карт нээж, зөөврийн номоор үйлчилгээ үзүүлж, номын санд нь арга зүйн зөвлөгөө өгч ажилласан.



НОМЫН САНГИЙН МЭДЭЭЛЭЛ, ТЕХНОЛОГИЙН ҮЙЛ АЖИЛЛАГАА

Номын санд мэдээллийн технологийг нэвтрүүлэх, хөгжүүлэх, технологийн үйл ажиллагааг хэрэглэгчдэд хүргэхэд чиглэгдсэн ажлууд

Үндэсний тогтмол хэвлэлийн нэгдсэн сан “Zotero” программд “Сүхбаатарын өнгө сонины 25 дугаарын 190 мэдээллийг оруулсан.




Байгууллагын ажлын зөөврийн i7 компьютерт хэрэглээний MS office-2019 программыг суулган ажлын хэрэгцээнд ашигладаг суурин компьютерыг форматлаж хэрэглээний програмуудыг суулган хэвийн үйл ажиллагааг хангаж ажиллаа.

АРГАЗҮЙН ҮЙЛ АЖИЛЛАГАА

Номын санчдад аргазүйн зөвлөгөөг амаар болон биечлэн хүргэсэн байдал

СУГ-ын даргын 2024 оны 02 сарын 17-ны өдрийн А/11 тушаалаар Сүхбаатар аймгийн **“СОЁЛ УРЛАГИЙН БАЙГУУЛЛАГЫН ТҮҮХЭН ТОВЧООН”** номын материал бэлтгэхтэй холбоотой хамтарсан удирдамж батлуулан, 12 сумдын 360 хуудас бүхий материал хүлээн авч цэгцлэн эх бэлтгэлд бэлтгэж, зургуудыг янзалж фолдер үүсгэн мэдээллийн нөөцөд хадгалж байна.



Номын сангийн программ хангамжийн мэдээллийн санд ном оруулах ажлын хүрээнд соёлын төвийн номын сангуудтай хамтран ажиллаж, арга зүйн зөвлөгөөг өгч, мэдээллийн нөөцөд нийт 12 сумдын 38645 номноос 29082 ном цахим каталогт байршсан байна. Мэдээллийн нэгдсэн баазад ном оруулах ажлын хүрээнд Мөнххаан, Эрдэнэцагаан, Түмэнцогт, Дарьганга, Түвшинширээ, Уулбаян, Наран, Асгат, Баяндэлгэр, Сүхбаатар, Халзан арга зүйн зааварчилгаа авч танхим, цахимаар хамтран ажиллалаа.



Номын санд томилолтоор явж туршлага судалсан, аргазүйн туслалцаа үзүүлсэн болон дүн шинжилгээ хийсэн байдал (тоо, сэдэв, үр дүн)

Монголын Үндэсний номын сангийн шинэ барилга, номын сангийн үйл ажиллагаатай танилцан Номын сангийн арга зүйч, ном зүйч, программист нараас Коха программ хангамжийн талаар сургалт авч харилцан санал бодлоо солилцлоо. Мөн номын сангийн үйлчилгээний танхимууд болон соёл олон түмний үйл ажиллагаа явуулдаг өрөө, танхимуудыг үзэж сонирхлоо.



Номын санчдад зориулсан сургалт семинар зохион байгуулсан байдал

Төв, хөдөөгийн сум, сургуулийн номын санчдын нэгдсэн сургалтыг 12 сарын 13-ны өдөр онлайнаар зохион байгуулж, захирал Э. Амарбат цаг үеийн онцлох ажлуудын талаар, арга зүйч Т. Чандмань Номын сангуудын тайлан, Mongolian library update зөвлөгөөний талаар мэдээлэл хүргэж, МҮНС-ын арга зүйч В Түвшинтогтох “КОХА” программын талаарх сургалтыг өгч ажиллалаа.

ЕС. ХҮНИЙ НӨӨЦИЙН АСУУДАЛ

Номын сангийн хүний нөөцийн өнөөгийн байдал, хангалт (Номын сангийн орон тооны ажилтны тоо, номын санчийн тоо, мэргэжлийн боловсон хүчний тоо /бүрдэлт/-ийг судалгаанд үндэслэж гаргасан байдал)

Соёлын сайд, Хөдөлмөр нийгмийн хамгааллын сайд, Сангийн сайдын хамтарсан 2024 оны А/166, А/63, А/73 дугаар тушаалын дагуу ур чадвартай, идэвх санаачилгатай ажилласан албан хаагчдад 8477500 төгрөгний ур чадварын нэмэгдлийг нөхөж олгосон.
Хүний нөөцийг чадавхижуулсан байдал (сургалт, семинар, урамшуулал)

Төрийн албан хаагчдад зориулсан долоо хоног бүр зохион байгуулагддаг 7:4:10 сургалтанд албан хаагчид тогтмол сууж хэвшсэн.



“Mongolian library update” улсын XI зөвлөгөөнд арга зүйч Т. Чандмань, сан хөмрөгч Ө. Хонгорзул нар хамрагдаж, сум, сургуулийн номын санч нарт мэдээлэл өгсөн.



ХШБХГ-аас Хүүхдийн эрхийн талаарх сургалт

Угийн бичгийн зураглал зөв хийх сургалтанд нийт албан хаагчид тус тус хамрагдсан.

Номын санд ажиллагсдад тулгарч буй бэрхшээл, цаашид авах арга хэмжээний талаар:

Соёлын яамны 2024 оны 02 дугаар сарын 29-ний өдрийн 05-00-00-001/01 тоот “Орон нутагт төлөвлөгөөт хяналт шалгалт хийх тухай” удирдамжийн дагуу Соёлын яамны хяналт шинжилгээ, хариуусан мэргэжилтэн С. Урантөгс тус номын санд ирж, шалгалт хийж ажиллалаа.



ТӨСӨВ, САНХҮҮГИЙН АСУУДАЛ

2024 онд батлагдсан төсөв 326.000.000. Төсвийн тухай хуулийг мөрдөж, төсвийн тогтвортой байдлыг ханган, төсвийн иж бүрэн, үнэн зөв, ил тод байдал, санхүү, хариуцлагатай төсвийн зохистой удирдлагыг хэрэгжүүлэн ажиллаж, одоогийн байдлаар 362.381.236.15 төгрөг зарцуулж, өр авлагагүй ажиллаж байна.

Бичиг хэрэг архивын ажлын талаар:

Байгууллагын үйл ажиллагаатай холбоотой А– 34, Хүний нөөцтэй холбоотой тушаал - 12 гаргаж, 39 албан бичиг явуулж, Өргөдөл, гомдлын тоо – 4 шийдвэрлэж, сар бүр үйл ажиллагааны тайлан илгээж, хугацаатай албан бичгийн хариуг тогтоосон хугацаанд илгээсэн.

Архивын улсын үзлэгт бэлтгэн тусгай төлөвлөгөө гарган, ББНШК томилон ажилласан.

БУСАД ҮЙЛ АЖИЛЛАГАА

Ахмадын баярыг тохиолдуулан байгууллагын ахмадуудыг урьж хүндэтгэл үзүүлэн, нэг ахмадад 100.000 төгрөг, албан хаагчдад 50.000 төгрөгийн бараа бараа худалдан авах эрх олгов

ХАБЭА-н хүрээнд ажилтан, албан хаагчдыг Улсын 2 дугаар төв эмнэлэгт 11 дүгээр сарын 16-ны өдөр бүрэн хамруулж, дархлаажуулалтыг дэмжиж ажиллав. /260.000 төгрөг/

№	Ажлын нэр	Хариуцагч	Хугацаа
1	Хяналт шалгалт хийх	С. Урантөгс	2024.02.29
2	Төлөвлөгөөт хяналт шалгалт	С. Урантөгс	2024.02.29
3	Хяналт шалгалт хийх	С. Урантөгс	2024.02.29
4	Төлөвлөгөөт хяналт шалгалт	С. Урантөгс	2024.02.29
5	Хяналт шалгалт хийх	С. Урантөгс	2024.02.29
6	Төлөвлөгөөт хяналт шалгалт	С. Урантөгс	2024.02.29
7	Хяналт шалгалт хийх	С. Урантөгс	2024.02.29
8	Төлөвлөгөөт хяналт шалгалт	С. Урантөгс	2024.02.29
9	Хяналт шалгалт хийх	С. Урантөгс	2024.02.29
10	Төлөвлөгөөт хяналт шалгалт	С. Урантөгс	2024.02.29



Байгууллагын цэвэр орчин бүрдүүлэх зорилгоор хүүхдэд зориулсан улавч 40 ширхэг оёж, сандал ширээ, цонх хөшиг угаан, бүх тавиурын болон номны тоос шороог цэвэрлэн, сандлын бүтээлгийг нь шинээр оёж, цонхны тоос шороог цэвэрлэж бүх хөшгийг угааж, индүүдэн, орчны гэрэлтүүлгийг шинэчлэн хийсэн.



ТАЙЛАГНАСАН АРГА ЗҮЙЧ Т. ЧАНДМАНЬ